

# VUOLGGAHUSBARGUI BURESSIVDNIDEAPME

Vuolggahusbargui buressivdnideame doaimmaha bisma dahje su mearredan báhppa (GO 18:1). Buressivdnideaddji bivdá doaimmahussii uhcimustá njeallje veahki.

Juos buressivdnideapme ii dáhphuva meassu oktavuodas, minsttar geavahuvvo heivvolaš osiid.

Oassálastit vázzet girkui ruossamiedušin. Njunnožis bohtet ruossaguoddi ja ginttalguoddit, manjmužžan bisma. Buressivdnádusa oažžuoin sáhtá leat badjelis alba ja (stola).

Searvegottis dáhphuvvi mátkái buressivdnideame jođiha girkohearrá dahje su mearredan báhppa. Dalle minsttar geavahuvvo heivvolaš osiid.

## I Álggahus

---

### \*1. Álggahansálbma

---

Sálbma 92: 3–, 118, 131, 224, 226 dahje miinu girkojagi čuovvu álggahansálmmain.

Sálmma sajis lea vejolaš geavahit biibbalsálmma, goarralávlaga dahje čuojanasmusihka.

Álgomusihka áigge lea ruossamieduš.

### 2. Álgosivdnideapme

---

Buressivdnádusa ja vuorrodearvvahusa lea vejolaš lávlut dahje lohkat.

#### Buressivdnádus

Nuohttaráidu 1



L Áh - či ja + Bárt - ni ja Bas-si Vuoiŋ-ŋa nam - mii.



S Á - men, á - men, á - men.

## Vuorrodearvvahus

Nuohttaráidu 1 (Bisma)



L Hear - rá rá - fi leh - kos din - guin.



S Nu son leh - kos maid - dái du vuoij - ñain.

## DAHJE

Nuohttaráidu 1



L Hear - rá leh - kos din - guin.




S Nu son leh - kos maid - dái du vuoij - ñain.

## DAHJE

## Buressivdnádus

Nuohttaráidu 2




L Áh - či ja + Bárt - ni ja Bas - si Vuoij - ña nam - mii.



S Á - men, á - men, á - men.

## Vuorrodearvvahus

Nuohttaráidu 2 (Bisma)




L Hear - rá rá - fi leh - kos din - guin.



S Nu son leh - kos maid - dái du vuoij - ñain.

## DAHJE

Nuohttaráidu 2



L Hear - rá leh - kos din - guin.



S Nu son leh - kos maid - dáí du vuoij - ñain.

### 3. Álggahansánit ja buressivdnádusa oažžuid ovdanbuktin

---

#### Álggahansánit

Álggahansániid lea vejolaš ráhkadit ieš.

**L** Ráhkis kristtalaččat. Kristtalaš searvegoddi lea Ipmila álbmot. Gásttas mii oaččuimet bargun bálvalit Ipmila ja gulahit su stuorra daguid.

Ipmil gohčču doalvut evangeliuma birra máilmmi, eandalitge sin gaskavuhtii, gudet eai leat Kristusa árpmus oasálaččat. Kristus cealká omiidasas: ”Munnje lea addojuvvon buot fápmu almmis ja eatnama alde. Vulget dan dihtii ja dahket buot álbmogiid máhttájeaddjin gásttašettiin sin Áhči ja Bártni ja Bassi Vuoiñña nammii ja oahpahettiin sin doallat buot dan maid mun lean gohččon din doallat. Ja gehččet, mun lean dinguin buot beivviid gitta dálá máilmmi loahpa rádjái.”

(Matt. 28: 18–20)

#### Buressivdnádusa oažžuid ovdanbuktin

Dát bálvaleaddjit leat gullan ja váldán vuostái gohččuma ja háliidit bálvalit Jesusa sániiguin ja daguiguin juohke guovllus dán máilmmis. Odne sii vuolggahuvvojit bargguide aposttalaš vuogi mielde giedaidalabidjamiin ja rohkosiin. Mii gullat dál sin oažžun váldegirjji:

Lohkkojuvvojit buressivdnádusa oažžuid namat ja barggut.

## 4. Oktasaš rihpat

---

### Ávžžuhussánit

Ávžžuhussániid sáhtá ráhkadit maidái ieš.

Mii leat dán ávvubottus Ipmila muoduid ovddas. Ipmil lea bassi, ja su šearratvuohta deavdá oppa eatnama. Mii leat suddolaččat ja johtit dávjá seavdnjadasas. Ipmil lea almmatge lohpidan árpmihit min. Dovddas-tehkot sutnje sudduideamet ja sivalašvuohtamet [ovtta jitnii] ná cealkedettiin:

### Suttudovddastus

Suttudovddastusa sáhtá lohkat ovta jitnii. Dan boddii sáhtá luoitádit čippiid ala. Suttudovddastusa lea vejolaš boatkut searvegotti rohkodajaldagain dahje –lávlagiin, dahje dan gaskkas sáhtá leat jaskes boddu. Suttudovddastusas sáhtá leat maidái jaskes rohkos, masa lea vejolaš ávžžuhit ovdamearkka dihte: Gula maidái mu/min jaskes ándagassiiánuma.

Suttudovddastussan lea vejolaš geavahit maidái sálmma (omd. 49).

Eará suddudovddastusat Ipmilbálvalusaid girjjis.

Almmálaš Áhčči.

Mun lean gásttašuvvon du mánnán.

Don leat jodihan mu seavdnjadasas čuovgasii,  
beastán mu gáđohusas almmi árbbolažžan.

In leat almmatge eallán nugo du mánná galgá.

In leat guldalan du jiena inge jeagadan du dáhtu.

Ipmil, árpmi mu du Bártni Jesusa Kristusa dihtii.

Basa mu buhtisin ja atte buot mu sudduid ándagassii.

### Suttubeastin

Suttubeastima ámena sáhtá lávlut dahje lohkat.

Eará suddubeastimat Ipmilbálvalusaid girjjis.

Ná cealká Hearrá:

”Ale bala, dasgo mun lean du lonistan.

Mun lean du nama mielde gohččon, don leat mu.

Várit gáidoset ja duoddarat doarggistehkuset,

muhto mu ráhkisvuohta dutnje ii rievdda  
iige mu ráfilihttu suoibbo.”

**S** Ámen.

## Giittosrohkos

Giittosrohkosa sáhtta lohkat ovttá jitnii.

Eará giittosrohkosat Ipmilbálvalusaid girjjis.

Ipmil, Áhččámet,  
mii giitit du das,  
ahte Jesus Kristus lea rahpan geainnu du lusa.  
Nanne min oskku, lasit doaivvu  
ja odasmahte ráhkisvuoda.

**S** Ámen.

## 5. Beavvi biibbalsálbma

---

Sáhtta atnit maddái girkojagi čuovvu dahje apostaliid beavvi biibbalsálbma (gč. Evangeliumgirji).

Juos álggahansálbma sajis (čuokkis 1) lea geavahuvvon biibbalsálbma, dát čuokkis báhcá eret.

Biibbalsálbma lea vejolaš lávlut dahje lohkat. Dan álggus ja loahpas sáhtta leat antifona.

Biibbalsálbmii laktojuvvo Uhca gudni. Dat guđđojuvvo eret 5. fástoáiggi sotnabeavvi rájes.

### Antifona

Mun dáhtun rámidit du, Hearrá, álbmogiid gaskkas,  
ja máidnut du álbmogiid searvvis.

Sál 57: 10

### Biibbalsálbma

Hearrá, ipmiliid searvvis ii leat oktage du veardásaš,  
cai mahkkege leat dego du dagut.

Buot álbmogat maid don leat sivdnidan  
bohtet gopmirdit du, Hearrá,  
ja gudnejahttet du nama.

Dasgo don leat stuoris, ja don dagat oavdudaguid.

Aivvefal don leat Ipmil.

Mun giittán du, Hearrá, Ipmilan, oppa váimmustan,  
mun gudnejahtán du nama agálaččat.

Sál 86: 8–10, 12

## Uhca gudni

Gudni Áhččái ja Bárdnái

ja Bassi Vuignii,

nugo lei álggus, dál lea ja álo

agálašvuodas agálašvuhtii. Ámen.

Antifona geardduhuvvo.

## 6. Hearrá, árpmit (Kyrie)

---

### MOLSSAEAKTU A

#### Kyrie-litania

Kyrie–litania sáhtta lávlut dahje lohkat.

Eará kyrie–litaniat ja litania–nuohat Ipmilbálvalusaid girjjis.

**O** Rohkadallot Hearrá, guhte attii eallima,  
ahte son dorjjošii min fámuinis.

[Rohkadallot Hearrá.]

**S** Hearrá, árpmit min. [Kristus, árpmit min. Hearrá, árpmit min.]

**O** Rohkadallot Hearrá,  
guhte vuolggahii Kristusa,  
ahte son gárvvohivččii min árpmuinis.

[Rohkadallot Hearrá.]

**S** Hearrá, árpmit min. [Kristus, árpmit min. Hearrá, árpmit min.]

**O** Rohkadallot Hearrá,  
guhte golggahii Vuoiŋgas,

ahte son ráhkkanahhtášii min attáldagaidisguin.

[Rohkadallot Hearrá.]

**S** Hearrá, árpmit min. [Kristus, árpmit min. Hearrá, árpmit min.]

## MOLSSAEAKTU Á

Hearrá, árpmit

**S** Hearrá, árpmit min.  
Kristus, árpmit min.  
Hearrá, árpmit min.

## \*7. Gudni (Gloria) ja giittossálbma Bassi Golbmaoktavuhtii

Gudni ja giittossálbma Bassi Golbmaoktavuhtii gahččá eret fástoáigge (gutnagaskavahku rájes) ja adveantaáigge (vuossárgga rájes 1. adveantasotnabeaivvi maŋŋá).

### Gudni

Nuohttaráidu 1



### DAHJE

Nuohttaráidu 2



**S** eatnama alde ráfi olbmuide, geaid Ipmil árpmiha.

### Giittossálbma

Giittossálbman sáhtá geavahit čuovvovaš Bassi Golbmaoktavuhtii oamastuvvon sálmmaid: 11:2,3,5, 17:4, 51, 71, 72, 136:7, 236, 395, 396 ja 424.

## 8. Beaivvi rohkos

---

Sáhhtá atnit maiddá girkojagi čuovvu rohkosa.

Rohkosávžžuhusa ja searvegotti ámena lea vejolaš lávlut dahje lohkat (nuohat Ipmilbálvalusaid girjijis). Ávžžuhusa maŋŋá sáhhtá leat oanehis jaskes rohkos.

Nuohttaráidu 1



### DAHJE

Nuohttaráidu 2



### 1. Buotveagalaš Ipmil.

Don vuolgahit Bártnát buktit midjiide suddolaččaide eallima ja dahkat dovddusin bassi namat.

Giitu ahte don leat oskildan girkosat stuorra barggu, evangeliuma doalvuma odđa olbmuide.

Nanne ja roahkasmahte searvegottát bálvalit du sániiguin ja daguiguin.

Gula min Bártnát Jesusa Kristusa dihtii.

### 2. Bajásčuožžilan Kristus,

don leat girku Hearrá ja máilmmi Beasti.

Du gohččuma gullet olbmot birra máilmmi, sii čuovvulit dan ja ožžot bestojumi.

Divtte oppa máilmmi dovdat du válddi ja buot álbmogiid du beasti fámu.

Golggat Vuoiŋŋat girkosat,

vai dat váibbakeahhtá sárdnidivččii evangeliuma ja duodaštivččii dus eallimiinnis ja daguinis.

Dutnje lehkos gudni ja váldi

ovttas Áhčiin ja Bassi Vuoiŋŋain

dál ja agálaččat.



### Nuohttaráidu 1



### DAHJE

### Nuohttaráidu 2



## II Sátni

---

### 9. Vuosttas čálabihtá

---

Jes 40: 26–31; Jes 55: 6–13; Jes 60: 1–9; Jer 1: 4–8 dahje girkojagi čuovvu vuosttas lohkanbihtá.

Lohkki almmuha čálabihtá. Searvegoddi guldala čohkut.

Čálabihtá dahje dan oasi lea vejolaš lávlut.

Vástádussániid lea vejolaš lohkat dahje lávlut (nuohtat Ipmilbálvalusaid girjjis).

– čálabihtá

[**O** Dát lea Ipmila sátni.

**S** Ipmilii giittus.]

### 10. Vástádus

---

Vástádussan sáhtá leat biibbalsálbma, sálbma, lávlla, čuojanasmusihkka dahje jaskes mediteren.

## 11. Nubbi čálabihtá

---

Apd 13: 1–3; Rom 10: 11–17; Rom 13: 8–10; 1 Kor 12: 4–11; 2 Kor 6: 3–10; 1 Joh 5: 1–5  
dahje girkojagi čuovvu nubbi lohkanbihtá.

Lohkki almmuha čálabihtá. Searvegoddi guldala čohkut.

Čálabihtá dahje dan oasi lea vejolaš lávlut.

Vástádussániid lea vejolaš lohkat dahje lávlut (nuohtat Ipmilbálvalusaid girjjis).  
čálabihtá

[**O** Dát lea Ipmila sátni.

**S** Ipmilii giittus.]

## 12. Beaivvi sálbma dahje graduála (Graduale)

---

### \*13. Evangelium

---

Evangelium almmuhuvvo ovdamearkka dihte ná: Čuožžilehket guldalit bassi evangeliuma.

Ovdal evangeliuma ja/dahje dan maŋŋá lea vejolaš lávlut halleluja. Hallelujalávlagii, mii  
lea evangeliuma ovddabealde, sáhtá laktit hallelujagurgadasa. (gč. Evangeliumgirji).  
Hallelujalávлага nuohtat Ipmilbálvalusaid girjjis.

Halleluja gahččá eret fástoáigge gutnagaskavahku rájes. Dalle hallelujalávлага sajis lea  
vejolaš geavahit sálbmadajaldaga (gč. Evangeliumgirji).

Evangeliuma dahje dan oasi lea vejolaš lávlut.

Vástádussániid lea vejolaš lohkat dahje lávlut (nuohtat Ipmilbálvalusaid girjjis).

- evangelium

[**L** Dát lea bassi evangelium.

**S** Rámádus dutnje, Kristus.]

## 14. Sálbma

---

Sálmma sajis sáhtá leat eará musihkka.

## 15. Sárdni

---

### III Buressivdnideapme

---

Ovdal buressivdnideame sáhtta leat sálbma, ovdamearkka dihtii 400 dahje eará musihkka, man áigge bisma ja eará doaimmahussii oassálasti olbmot sirdásit áltára gurrii. Veahkeheaddjit čužžot goabbat bealde bismma, buressivdnádusa oazžut čužžot áltára ovddas.

#### \*16. Oskkudovddastus (Credo)

---

Oskkudovddastus lohkkovuvvo ovtta jitnii.

**L** Dovddastehket dál oskodet ovttas searvegottiin.

**S** Mun oskkun Ipmilii, Áhččái, Buotveagalažžii,  
almmi ja eatnama Sivdnideaddjái,

ja Jesusii Kristusii,

Ipmila áidnoriegádan Bárdnái, min Hearrái,

guhte sahkanii Bassi Vuoiŋgas,

riegádii nieida Márjjás,

gillái Pontius Pilatusa áigge,

russiinávlejuvvui, jámii ja hávdáduvvui,

manai vuolás jábmiid riikii,

bajásčuožžilii jábmiid luhtte goalmmát beaivve,

manai bajás albmái,

čohkká Ipmila, buotveagalaš Áhči, olgeš gieda bealde,

ja bohtá fas doppe dubmet calliid ja jábmiid,

ja Bassi Vuignii,

bassi oktasaš girku,

bassi olbmuid searvivuoda,

suttuid ándagassii addojumi,

oačči bajásčuožžileame

ja agálaš callima.

## 17. Lohpádusat dahje ávžžuhus

---

### Lohpádusat

Vuolggahusbargui buressivdnidettiin.

**L** Dáhttubehtetgo Ipmila vehkiin bissut nanusin dán girku oskkus ja duodaštit das sániiguin ja daguiguin?

Vástáduš:

De dáhtun.

**L** Dáhttubehtetgo bassi, golbmaoktalaš Ipmila namas vuolgit vuolggahusbargui ja dikšut din barggu oskkáldasat Ipmila gudnin ja Kristusa girku huksehussan?

Vástáduš

De dáhtun.

**L** Dáhttubehtetgo eallit nu, ahte dii lehpet ovdagovvan searvegoddái?

Vástáduš:

De dáhtun.

**L** Buotveagalaš Ipmil veahkehehkos din doallat dan, maid dii lehpet lohpidan.

### Ávžžuhus

Mátkái buressivdnidettiin.

**L** Ipmil addos didjiide árpmu, nu ahte dii bissubehtet oskkus, maid lehpet dovddastan, ja bálvalehpet Kristusa girku rievttuid ja oskkáldasat.

## 18. Buressivdnideapme

---

Buressivdnádusa oažžut luoitádit čippiideaset ala. Liturga ja veahkit bidjet gieđaideaset sierra juohkeovtta oaivvi ala.

**L** Buressivdnidehkos du golbmaoktalaš Ipmil, Áhčči ja Bárdni ja Bassi Vuoigŋa, [ja basuhehkos du bálvalit Kristusa girku álo ja juohke sajis].

Buressivdnidahttit čuožžilit.

**L** Ráhkis kristtalaččat. Mii leat ovttas buressivdnidan dáid oappáideamet/vieljaideamet vuolggahusbargui/mátkái. Doarjot sin sin barguin ja guoddet sin rohkosiinnádet Ipmila ovdii.

## 19. Vuolggageapme

---

**L** Jesus cealká: ”Mun lean dinguin buot beivviid gitta dálá máilmmi loahpa rádjái.” (Matt 28: 18–20.) Mannet ráfis ja bálvolehket Hearrá iluin.

Liturga, veahkit ja buressivdniduvvon olbmot máhcet sadjáseaset.

## 20. Sálbma

---

Sálmma sajis sáhtá leat eará musihkka.

## 21. Oktasaš ovddasrohkos

---

Ovddasrohkosa ráhkadusas, sisdoalus ja ollašuhttimis, gč. Ipmilbálvalusaid girjji.

Ovddasrohkosi laktojuvvo čuovvovaš rohkos:

Mii rohkadallat du ovttas singuin ja sin ovddas, gudet dál leat buressivdniduvvon – – : Láide sin Bassi Vuoiŋŋainat ja buressivdnit sin barggu namat gudnin, searvegottát huksehussan ja olbmuid buorin. Oahpat sin guldalit du jiena ja čuovvut du dáhtu. Veahket sin bissut oskkáldasat Kristusa duodašteaddjin. Deavdde sin ráhkisvuodain, vai sii nákkejit ráhkistit buohkaid, veahket sin bealuštit eandalitge heajumusaid. Atte sidjiide vuollegašvuoda, viisodaga ja gillilvuoda. Buressivdnit maiddá sin bearrašiid ja lagažiid. Veahket sin luohttit lohpadussásat, ahte don orut álo singuin.

# IV Eahkedaččat

---

## 22. Oaffarsálbma dahje offertorio (Offertorium)

---

Sálmma áigge eahkedaččat lágiduvvojit áltárbeavdái. Sálmma sajis sáhtta leat goarrávlun dahje čuojanasmusihkka. Kolleavtta lea vejolaš buressivdnidit.

## 23. Eahkedašrohkos (Eukaristalaš rohkos)

---

### Vuorrolávlla

Nuohttaráidu 1



**L** Hear - rá leh - kos din - guin.



**S** Nu son leh - kos maid-dái du vuoiŋ - ŋain.



**L** Ba - ji - deh-ket váim-mui - deat - tet.



**S** Ba - ji - dit dan Hear - rá guv - lui.



**L** Gii - ta - leh-kot Hear - rá, Ip - mi - lea - met.



**S** Nu lea duo-daid-ge vuoi-gat ja doh - ká - laš.

## DAHJE


### Nuohttaráidu 2



L Hear - rá leh - kos din - guin.



S Nu son leh-kos maid - dáí du vuoij - ñain.



L Ba - ji - deh - ket váim-mui - deat - tet.



S Ba - ji - dit dan Hear-rá guv - lui.



L Gii - ta - leh - kot Hear-rá, Ip - mi - lea - met.



S Nu lea duo - ðaid-ge doh-ká-laš ja vuoí - gat.

## Prefašuvdna

Prefašuvnna lea vejolaš lávlut dahje lohkat.

### Prefašuvnna álgu

L Duodaid lea riehta ja árvvolaš, ahte mii giitit du álo ja juohke sajis,  
bassi Hearrá, buotveagalaš Áhčči, agálaš Ipmil,  
Jesusa Kristusa, min Hearrá bokte.

### Prefašuvnna loahppa

Sus don leat čájehan ráhkisvuodat ja šearratvuodat.

Don vuolgahat ain searvegoddái bálvaleaddjiid ráhkisvuoda bargui,  
vai du girku sáhtášii gulahit stuorra daguidat.

Mii giitit du dán almmálaš attáldagas

ja lávlut dutnje rámadusa engeliiguin ja buot basiiguin:

## \* Bassi (Sanctus)

Searvegoddi sáhttá čuožžut Bassi–hymna rájes Ipmila Láppis –hymna rádjai.

**S** Bassi, bassi, bassi Hearrá Sebaot!

Albmi ja eana dievva lea du šearratvuodainat.

Hosianna allagasas!

Sivdniduvvon lehkos son, guhte bohtá Hearrá nammii.

Hosianna allagasas!

## Rohkos ja áсахansánit

Bassi Áhčči. Oppa luondduriika máidnu du, buot eallima addi. Don it hilgon sivdnádusaidat suttu ja jápmima válldi vuollái, muhto sáddejit du áidna Bártni olmmožin, vai son beasttášii min. Mii giitit du dan lonástusas, man don leat válmmaštan midjiide su dievaslaš oaffariin ruossa alde. Son mávssii min vealggi ja dagai ráfi duinna ja minguin.

*Hearrámet Jesus Kristus, dan ija go son behttojuvvui,  
válldii láibbi, buressivdnidii (+) ja doadjalii dan,  
attii máhttájeaddjiidasas ja celkkii:*

*Váldet ja borret. Dát lea mu rumaš,  
mii addojuvvo din ovddas.*

*Dahket dan mu muitun.*

*Nu son válldii maiddáa geara, giittii (+) ja celkkii:*

*Juhket dás buohkat.*

*Dát gearra lea odđa lihhtu mu varas,  
mii golggahuvvo din ovddas*

*suttuid ándagassii addojupmin.*

*Nu dávjá go dii das juhkabehtet,  
dahket dan mu muitun.*



Mii ávvudit buot das, maid Bárdnát lea min ovddas dahkan, ja doallat dáid bassi mállásiid, main mii beassat oasálažžan lonástusa čiegusvuodas. Mii muittašit su jápmima, bajásčuožžileame ja albmáimannama. Mii vuordit su máhccama šearratvuodas.

[**S** Mii gulahit su jápmima.

Mii duodaštit su bajásčuožžileame.

Mii vuordit su boahtima iežas gudniin.]

Sádde du Bassi Vuoiŋŋa buressivdnidit min, vai válddášeimmet oskkus vuostá du Bártni rupmaša ja vara. Ovttastahte min sutnje ja nuppiidasamet. Veahket min oaffaruššat iežamet ealli oaffarin Kristusis, dutnje giittusin ja gudnin.

Su bokte, suinna ja sus  
gullá dutnje, buotveagalaš Áhčči  
Bassi Vuoiŋŋa oktavuodas  
gudni ja šearratvuohta álo ja agálaččat.

**S** Ámen.

## 24. Áhččámet (Pater noster)

---

Herrá rohkos celkojuvvo ovttá jitnii.

**S** Áhččámet, don guhte leat almmis.

Basuhuvvos du namma.

Bohtos du riika.

Šaddos du dáhttu,

mo almmis nu maddái eatnama alde.

Atte midjiide odne min beaivválaš láibbi.

Ja atte midjiide min suddid ándagassii,

nugo miige ándagassii addit velggolaččaidasamet.

Alege doalvvo min geahččalussii,

muhto beastte min bahás eret.

Dasgo du lea riika ja fápmu ja gudni agálašvuhtii.

Ámen.

## 25. Hearrá ráfi (Pax)

---

Vuorrolávlaga manjá lea vejolaš ávžžuhit ráfi sávaldahkii. Searvegotte olbmot buorástahttet nuppiideaset ja celket ovdamearkka dihte: Kristusa ráfi dahje Ipmila ráfi.

Nuohttaráidu 1




**L** Hear - rá rá - fi leh-kos din - guin.



**S** Nu son leh-kos maid-dái du vuoij - ηain.

### DAHJE

Nuohttaráidu 2



**L** Hear - rá rá - fi leh - kos din - guin.



**S** Nu son leh-kos maid - dái du vuoij - ηain.

## \*26. Ipmila Láppis (Agnus Dei)

---

Liturga sáhtta doadjit eahkedašláibbi Ipmila Láppis –hymna áigge.

**S** Ipmila Láppis don, guhte guottát máilmmi suttu,  
árpmit min, árpmit.

Ipmila Láppis don, guhte guottát máilmmi suttu,  
árpmit min, árpmit.

Ipmila Láppis don, guhte guottát máilmmi suttu,  
atte midjiide ráfi.

## 27. Eahkedaččaid juohkin

---

### Eahkedašbovdehus

**L** Ávdugasat sii geat leat bovdejuvvon Lábbá headjamállásiidda.  
Bohtet, buot lea juo válmmaštuvvon.

#### DAHJE

**L** Jesus cealká: ”Bohtet mu lusa,  
buohkat geat rahčabehtet ja guoddibehtet lossa nodiid,  
de attán didjiide vuoiŋnadusa.”

#### DAHJE

**L** Bohtet, váldet vuostái Kristusa rupmaša.  
Bohtet, juhket jápmemeahttunvuoda ádjagis.

### Eahkedaččat (Communio)

Eahkedaččaid juogadeame áigge sáhtta leat sálbmalávlun dahje eará musihkka.

Láibbi juogadettiin celkojuvvo:

[Min Hearrá Jesusa] Kristusa rumaš, du ovddas addojuvvon.

Rihppaguossi sáhtta vástidit: Ámen.

Viinni juogadettiin celkojuvvo:

[Min Hearrá Jesusa] Kristusa varra, du ovddas golggahuvvon.

Rihppaguossi sáhtta vástidit: Ámen.

### Loahpahansánit

Loahpahansániid maŋŋá eahkedašlihtit gokčojuvvojit [ja sirdojuvvojit veahkkebeavddi ala].  
Ovdal giittosrohkosa (čuokkis 25) sáhtta leat jaskes boddu.

**L** Mii leat vuostáiváldán Hearrá Jesusa Kristusa.  
Várjalehkos son min agálaš eallimii.

**S** Ámen.

## DAHJE

**L** Min Hearrá Jesusa Kristusa rumaš ja varra  
vurkejhkos oppa min vuoiŋŋa, sielu ja rupmaša  
agálaš eallimii.

**S** Ámen.

## 28. Giittosrohkos

---

Rohkosávžžuhusa, rohkosa ja searvegotti ámena lea vejolaš lávlut dahje lohkat.

Giittosrohkosin lea vejolaš geavahit maiddái sálmma (omd. 61:1, 62, 63, 65:1–2 ja 409:6–7).

Eará giittosrohkosat lpmilbálvalusaid girjjis.

Nuohttaráidu 1



**L** Roh - ka - dal - lot.

## DAHJE

Nuohttaráidu 2



**L** Roh - ka - dal - lot.

Almmálaš Áhčči, mii giitit du eahkedaččaid attáldagas,  
mainna don nannet oskomet dutnje.

Mii giitit du Bassi Vuoiŋŋas,  
maid attát midjiide bargoseamet girkus ja máilmmis.

Giittus ahte don vuolgahat bargiid lájuidasat.

Divtte soabahusa sága sárdniduvvot juohke guovllus.

Divtte min beassat oktii du riikka hearvásvuhtii.

Dán mii bivdit Bártnát Jesusa Kristusa dihtii.

Nuohttaráidu 1



**DAHJE**

Nuohttaráidu 2



## V Loahpaheapme

---

### 29. Máidnun

---

Máidnumin lea vejolaš geavahit maddái sálmma (omd. 77:4, 118:1–2, 306, 424:3–4 ja 467:7–10).

#### Benedicamus

Nuohttaráidu 1



**DAHJE**

Nuohttaráidu 1



**\*S** Ipmilii giittus. Halleluja!

Fástoáigge gutnagaskavahku rájes:

**\*S** Ipmilii giittus. Ámen.

## \*30. Buressivdnáduš

---

**L** Hearrá buressivdnidivččii din ja várjalivččii din.

Hearrá čuvgešii muoduidis didjiide  
ja livččii didjiide árbmugas.

Hearrá jorgalivččii muoduidis din beallái  
ja attášii didjiide ráfi.

Áhči ja + Bártni ja Bassi Vuoiŋŋa nammii.

**S** Ámen.

### Vuolggageapme

Ávžžuhus celkojuvvo aiddo ovdalaš vuolgima.

**L/O** Mannet ráfis ja bálvlehket Hearrá iluin.

## \*31. Loahpahanmusihkka

---

Loahpahanmusihkkan sáhtá leat sálbma, goarralávlla dahje čuojanasmusihkka.

Musihka áigge ruossamieduš máhccá boahinortnegis. Searvegoddi sáhtá searvat mihtošii.